



modi modis providendi cuius de beneficio Ecclesiastico, qui pertinent ad Institutionem late sumptam: tum precipue per Institutionem proprie ac specialiter acceptam, qua legitimum Superior, puta Episcopus, aut ipsius Vicarius Generalis, presentatum a Patrono, & per examen habilem repertum, instituit in Beneficio; hoc est, verbis, aut litteris, confert ipsitulum Beneficii. Et de hac Institutione frequens fit mentio in Jure, ac praesertim in praesenti Titulo: eaque omnibus ad beneficium Ecclesiasticum promovendis adeo est necessaria, ut si propria autoritate, vel saltem absque autoritate legitimi Superioris valens conferre Beneficium, istud occupent, censentur intrusivi; prout uberius dictum est supra Tit. 5. De Praebendis. §. 17. n. 513. & seqq.

7. *Instituto auctorizabilis aliud non est, quam approbatio ad exercendam curam animarum: sive, commissio curae animarum, ut inquit Glossa superius n. 5. relata. Et de hac Institutione auctorizabili, praeter Doctores passim, mentionem facit Summarium in c. Cum satis 4. de Offic. Archidiacon. illis verbis: Archidiaconus sine mandato Episcopi non committit curam animarum; id est, non habet institutionem auctorizabilem: intellige activam, seu ut eam de jure aliis committere valeat. Alioquin enim Instituto auctorizabilis, sive jurisdictione concessa ad curam animarum exercendam, est omnibus Curatis necessaria, atque in Parochialibus beneficiis omnem aliam institutionem praecedere solet: hoc ipsi, quod sine tali jurisdictione curam animarum nemo exercere valeat; sicque quilibet ante quamvis aliam institutionem per praevisum examen judicari, & approbari debeat, veluti sufficiens pro exercenda cura animarum.*

8. *Tandem Instituto corporalis, sive realis, aliud non est, quam inductio in actualem possessionem Beneficii: per quam videlicet datur vera, & realis possessio ipsius Beneficii, per legitimum Superiorem cuiusdam collati. Et de hac fit mentio in c. Ad haec de Offic. Archidiacon. ibi: Instituto corporalis, tam Super Beneficiis, quam etiam Dignitatibus, ad ipsum (Archidiaconum) debeat pertinere.*

9. *Porro Instituto corporalis alio nomine dicitur Investitura, Installatio, missio in actualem possessionem. Neque enim quoad titulum instituitur in Beneficio, possessionem ejus propria autoritate sine licentia, seu introductione Superioris, apprehendere debet: alias potest saltem arbitrari ab Episcopo puniendus est. Covarruvias lib. 3. Variar. Resolut. cap. 16. n. 8. vers. Quod si juris, citans alios; & sequitur Engel h. t. n. 4. atque ex professo dicitur infra §. 2. n. 52. & seqq.*

10. *Quaeritur II. Quae requirantur ad Institutionem Canonica? Resp. I. Instituto canonica est, quae fit sine vitio conferentis, recipientis, & formae. Ita Jo. Andreas c. Constitutus. n. 2. & Fagnanus ibid. n. 10. de Filiis Presbytr. cum aliis. Ac sensus datae definitionis est, quod ad Institutionem canonicam requiratur, ut & conferens habeat potestatem conferendi, & recipientis non sit inhabilis ad Beneficium, simulque ferventur solemnitates a Jure praescriptae.*

11. *Inferitur proinde, quod generatim loquendo ad quamlibet Institutionem, etiam late sumptam, ac prout subse comprehendit quoque Electionem, Postulationem, Renunciationem ex causa permutationis beneficiorum, alioque providendi modos de Beneficiis Ecclesiasticis, semper requirantur isthaec tria: videlicet potestas in conferente, eligente, postulante &c. habitas in recipiente, puta, in electo, postulato &c. ac debita forma a Jure communi, vel consuetudine, aut peculiari locorum statuto praescripta: alioquin enim ex defectu unius horum, jam non foret amplius Instituto canonica. Verum, quia de istis sub propriis Titulis (nimirum Lib. 1. Tit. 5. De Postulatione Praetorum, & Tit. 9. De Renunciatione, ac praesertim*

*Lib. 1. Tit. 6. De Electione. §. 7. & 9. & Tit. 14. De Aetate, & qualitate, & Ordine praeficiendorum, n. 2. & 3. ac seqq.) ex professo jam actum fuit: hinc eisdem suppositis, impraesertim solummodo tractatur de Institutione proprie dicta, declarando ea, quae ipsam specialiter concernunt. Unde*

*Quaeritur III. Utrum praesentatus a Patrono sit necessario instituendus in Beneficio? Resp. I. Instituto proprie accepta, praeter alia singulariter requirit, ut beneficium Ecclesiasticum vacans non nisi Clerico per Patronum praesentato, caeteroquin tamen idoneo, conferri possit, ac debeat: & si factis attentetur, Instituto alterius in eodem Beneficio facta, ad instantiam Patroni annullanda sit, & postmodum Clericus contra praesentationem Patroni institutus debeat amoveri. Ita habetur c. Ex insinuatione. 14. de Jurepatronat. & can. Decernimus. 16. q. 7. Quamquam hujusmodi Instituto Clerici non praesentati, non sit ipso jure nulla & irrita, sed solum irritanda ad instantiam Patroni contradicentis, atque alium praesentantis. Barbosa part. 3. de Offic. & potest. Episc. allegat. 72. n. 170. Nicol. Garcias part. 5. de Benefic. cap. 9. n. 232. citans plurimos alios. Verum de hoc plura inferius Tit. 38. De Jurepatronatus, declarando jura Patronis competentia, ubi etiam nonnullae limitationes datae Conclusionis afferuntur.*

*Quaeritur IV. An praesentati a Patronis, alique instituendi in Beneficiis, antea debeant examinari? Resp. I. Praesentati a Patronis, alique promovendi, regulariter admitti non debent, neque institui in Beneficiis, nisi prius ab Ordinariis locorum fuerint examinati, & idonei reperti. Ita communis, atque desumitur ex cap. l.h.t. in 6. ubi declaratur, quod Capitulum Sede vacante Praesentatos a patronis potest admittere, si sint idonei, & eos instituere in Beneficiis, ad quae fuerint praesentati. Ubi ponderando ly, Si sint idonei, satis indicatur necessitas praemittendi examinis, ut pote sine quo constare nequit Capitulo, sive constituto ejus Vicario Capitali, de idoneitate Praesentati.*

*Solum pro meliori intelligentia relati textus notandum est cum Glossa in Casu ibid. quod Admittere, & Instituere in Beneficio, differant. Nam, ut inquit Jo. Monachus, & Jo. Andreas in cit. cap. 1. n. 1. h. t. in 6. verbum Admittere est exponendum, pro Confirmare, & approbare, dando videlicet Titulum in Beneficio: Instituere vero, id est, in possessionem mittere, inducendo nempe Praesentatum in corporalem beneficij possessionem.*

*Conclusio proxime data etiam habetur decisa, & quidem clarior, in Concilio Tridentino Sess. 7. cap. 13. de Reform. illis notabilibus verbis: Praesentati, seu electi, vel nominati a quibuscumque Ecclesiasticis personis, etiam Sedis Apostolicae Nunciis, ad quavis Ecclesiastica beneficia non instituantur, nec conferantur, neque admittantur etiam preteritum cuiusvis privilegii, seu consuetudinis, etiam ad immemorabili tempore praescriptae, nisi fuerint prius a locorum Ordinariis examinati, & idonei reperti. Et nullus appellations remedio se iuri possit, quod minus examen subire teneatur. Praesentatis tamen, electis, seu nominatis ab Universitatibus, seu Collegiis generalium Studiorum exceptis. Haec ibi.*

*Porro, per illa verba, Praesentati a quibuscumque Ecclesiasticis personis, relatum Concilium non excludit, neque ad examen subeundo eximit praesentatos a Laicis. Tum quia Jure communi jam tenentur quilibet instituendi in Beneficiis subire praevisum examen, de idoneitate sua, cit. cap. l.h.t. in 6. atque etiam quoad praesentatos a Patronis, indistincte tradit Concilium Tridentinum Sess. 25. cap. 9. vers. Ad haec. de Reform. Tum quia quoad praesentatos a Laicis, utpote minus valentibus dijudicare idoneitatem in Clericis Beneficiandis requisitam, majus periculum latet, quam circa praesentatos a personis Ecclesiasticis, praesertim Sedis*

Apollo-

§. II.

De illis, quibus competit Instituto collativa, auctorizabilis, & corporalis Beneficiorum.

SUMMARIUM.

22. Instituto collativa, de Jure communi pertinet ad Episcopum loci, in quo situm est Beneficium.
23. Habetque Episcopus super hoc fundatam intentionem.
24. Etiam Vicarius Generalis, & Capitulum Sede vacante, possunt instituere in Beneficiis praesentatos a Patronis.
25. Praelatis inferioribus potestas instituendi praesentatos in Beneficiis, de Jure communi non competit &c. Et n. seq.
26. Solvitur instantia, concedendo, istud posse ipsis competere ex Jure speciali. Et n. seqq.
27. Videlicet ex privilegio. Et n. 25.
28. Atque ex fundatione, saltem ad antiquo facta.
29. Qualis tamen post Concilium Tridentinum amplius fieri non potest.
30. Item ex consuetudine.
31. Atque praescriptione: & an haec debeat esse immemorialis?
32. Praelatis inferioribus, etiam Regularibus, competit jus instituendi in Ecclesiis sibi pleno jure subjectis.
33. Ecclesia pleno jure subiecta, quae?
34. Laici nullo modo possunt proprie Clericum instituere in Beneficiis.
35. Atque praesentes sibi instituere, jubentur excommunicari. Et Clerici de manu Laicorum investituram Ecclesiarum accipientes, subjacent paene suspensionis, & excommunicationis &c. Et qualiter? Ibidem.
36. Instituto auctorizabilis de Jure communi pertinet ad Episcopum. Ad eum, ut Archidiaconus non possit curam animarum committere sine licentia Episcopi. Ibid. Habetque Episcopus super hoc fundatam intentionem. Num. 23.
37. Excipiunt Praelatus inferior habens jurisdictionem quasi Episcopalem in Clerum, & populum, privative ad Episcopum.
38. Talis Praelatus venit nomine Dioecesei. Ibid. Instituto auctorizabilis nequit Archidiacono, vel aliis Praelatis Episcopo subiectis, vi consuetudinis, vel praescriptionis competere. Et numer. seqq.
39. Ubi in Jure fit mentio de consuetudine, denotatur completa & praescripta.
40. Sententia illa negativa ulterius probatur.
41. Ac solvuntur contraria. Et numer. seq.
42. Illa procedit solum de Archidiacono, & Praelatis Episcopo subiectis: non de exemptis Praelatis Regularibus possunt prescribere jura Episcopalia: addo, ut certae Ecclesiae remaneant ipsis pleno jure subiectae. Ibid.
43. Instituto corporalis in Beneficiis, spectato Jure communi, pertinet ad Archidiaconum.
44. Secus de consuetudine multorum locorum.
45. Cap. Licet Episcopus de Praebend. in 6. in quo casu loquatur?
46. Investitura in Beneficiis, sicut & in Feudis, duplex est, verbalis nimirum, & realis.
47. Investitura verbalis ritus, qui?
48. Haec quandoque fit nulla praecedente electione, institutione









